

KANUKOKA-p malittarisassai

Ateq aamma siunertaq

§ 1.

Kattuffiup aterraa KANUKOKA, uiggiullugu taaguutigalugu Kalaallit Nunaanni Kommunit Kattuffiat.

Imm. 2

Kattuffiup siunertaraa isumannaassallugu nukittorsassallugulu kommunit sunniuteqarnerat kiffaanngissuseqartumillu suleriarsinnaassusiat, aamma kommunit nammineersinnaassusianni tungavissat pitsaanerpaat pilersinnissaat.

Imm. 3.

Imm. 1-imi siunertaq taaneqartoq anguneqassaaq:

- Piginnaasanik ineriartortitsinikkut ilisimasanillu agguaasseqatigiittarnikkut kommunit ingerlatsinerata nukittorsarneratigut ineriartortitseqataaffigineratigullu.
- Nuna tamakkerlugu suliniutinut atatillugu kommunit soqutigisaasa nammineernerisalu kommuninut tamanut tungassuteqartut isumannaarneratigut.
- Pissutsini kommunit ulluinnarni ingerlatsinerannut toqqaannartumik toqqaannanngitsumilluunniit sunniuteqartuni kommunit akuutinneqarnissaata isumannaarneratigut ataqatigiissaarneratigullu.
- Suleriaatsit eqaatsuunissaat innuttaasunillu kiffartuussineq eqqarsaatigalugit kommunit ingerlaqqittumik digitaliusumik ineriartornissaata isumannaarneratigut ataqatigiissaarneratigullu
- Ataatsimeersuartitsisarnertigut, pikkorissartitsisarnertigut aamma ataatsimiititsisarnertigut paasissutissiissutinillu suliaqartarnertigut kommunini suliaasaqarfiit pillugit nalinginnaasumik ilisimasaqarnerup pitsaanerulernissaata sulissutigineratigut,
- Kommuninut tungasunik paasissutissanik katersinikkut paasissutissiisarnikkullu aammalu kommunit suliaasaqarfiinut tungasunik ilisimatusarnerup tapersorneratigut.
- Kommunini ulluinnarni sulinermi innuttaasunillu kiffartuussinermi eqaatsumik naammassisaqarsinnaalluarfiusumillu suleriaaseqarnissap isumannaarneratigut.

Ilaasortat

§ 2.

Kalaallit Nunaanni kommunit tamarmik KANUKOKA-mut ilaasortaasinnaatitaapput. Ilaasortanngorneq kattuffimmi siulersuisunut allakkatigut pissaaq.

Imm. 2.

KANUKOKA-mut ilaasortaajunnaarneq pissaaq siulersuisunut allakkatigut ukiumik ataatsimik siu-mut ilisimatitsilluni ukiup naatsorsuiffiup naanissaanut. KANUKOKA-mit tunuarnermi kommune tunuartoq kattuffimmit pisassaminik piumasaaqateqarsinnaanngilaq.

Kommunini ilaasortaasuni aningaasaqarnermut ataatsimiititaliat

§ 3.

KANUKOKA-mi oqartussaasut qullerpaat tassaapput kommunini ilaasortaasuni aningaasaqarnermut ataatsimiititaliat imm. 2-mi taaneqartumik ataatsimeeqatigiiffeqartut.

Imm. 2.

Ukiumut ataasiarluni kommunit ilaasortaasut aningaasaqarnermut ataatsimiititaliaat KANUKOKA-llu siulersuisui ataatsimeeqatigiittassapput, kattuffimmut tunngatillugu oqaluuserisassanik suliaqarfiusumik. Piffissaq, sumiiffissaq aamma oqaluuserisassanut siunnersuutit siulersuisunit aalajangersarneqartassapput.

Imm. 3.

Aningaasaqarnermut ataatsimiititaliat KANUKOKA-llu siulersuisuisa ataatsimeeqatigiinnerat immikkut ittumik pisinnaavoq siulersuisut taama aalajangiippata, imaluunniit kommunit ilaasortaasuni ikinnerpaamik marlunni aningaasaqarnermut ataatsimiititaliat tamanna kissaatigippassuk. Piffissaq, sumiiffissaq aamma oqaluuserisassanut siunnersuutit siulersuisunit aalajangersarneqartassapput, kommuninullu ilaasortaasunut nassiunneqarlutik ataatsimiinnissaq kingusinnerpaamik qaammammik ataatsimik sioqqullugu.

Imm. 4.

Ataatsimiinneq imm. 2-mi aamma imm. 3-mi taaneqartoq pissutsini kattuffimmut tunngassuteqartuni tamani aalajangiisinnaassuseqarpoq.

Imm. 5.

Kommunini ilaasortaasuni borgmesterit kiisalu kommunini ilaasortaasuni aningaasaqarnermut ataatsimiititalianut ilaasortat sisamat ataatsimiinnermi oqaaseqarsinnaatitaapput, siunnersuuteqarsinnaatitaapput taasisinnaatitaallutillu. Aningaasaqarnermut ataatsimiititalianut ilaasortat sisamanit amerlaneruppata taakku taamaallaat siunnersuuteqarsinnaatitaallutillu oqaaseqarsinnaatitaassapput, imm. 6 malillugu.

KANUKOKA-mi siulittaasoq siulersuisunullu ilaasortat borgmesteriunngitsut oqaaseqarsinnaatitaallutillu siunnersuuteqarsinnaatitaapput.

Imm. 6.

Kommunimi ataatsimi imaluunniit kommunini arlalinni aningaasaqarnermut ataatsimiititaliat borgmesterit saniatigut sisamanit amerlanerusunik ilaasortaqarpata ataatsimiititaliap aalajangissavaa kikut ataatsimiinnermi taasisinnaatitaassanersut.

Imm. 7.

Ataatsimeeqatigiinnermi imm. 2-mi taaneqartumi taasisinnaatitaasut kommunalbestyrelsinut qinersinerup kingorna kingusinnerpaamik qaammatit sisamat qaangiunneranni siulittaasumik KANUKOKA-llu siulersuisuinut ilaasortanik qinersissapput.

Imm. 8.

Ataatsimeeqatigiinnermi imm. 1-imi aamma imm. 2-mi taaneqartumi aalajangiinnerit amerlanerussu-

teqarnikkut pisassapput, malittarisassani allamik allassimasoqanngikkaangat. Peqataasut aalajangiinnaassuseqassapput taasisinnaatitaasut ikinnerpaamik affaat ataatsimiinnermi najuuppata imaluunniit telefonikkut videokonferencikkulluunniit peqataappata.

Aalajangiinerit aalajangiinernik imaqarniliamut allanneqartassapput, taakkulu ataatsimiinnerup kingorna atsiorneqartassapput taasisinnaatitaasunit ataatsimiinnermi peqataasunit.

Imm. 9.

Ataatsimiinneq tamanut ammasuuvoq, taasisinnaatitaasut ataatsimiinnerminni allamik aalajangiingippata.

Siulersuisut ataatsimeeqataasussanik qaaqquisinnaapput, tamanna pissusissamisoortutut isigineqarpap.

Imm. 10.

Angalanernut aamma ullormusianut kiisalu nerisaqarnermut ineqarnermullu il. il. aningaasartuutit kommunini aningaasaqarnermut ataatsimiititalianut ilaasortanut siulersuisunullu ilaasortanut atuutut KANUKOKA-mit aningaasartuutigineqartassapput.

Qaaqqusanut aningaasartuutit kattuffiup susassaringilai.

Siulersuisut

§ 4.

Siulersuisut, siulittaasoq ilanngullugu, katillugit qulingiluaassapput.

Imm. 2.

Siulersuisunut ilaasortat amerlineqassappata 9-nit amerlanerulerlutik, ulluinnarni aqutsinermut ataatsimiititaliamik pilersitsisoqassaaq, § 15 malillugu.

§ 5.

Siulersuisut ukuninnga ilaasorta qarput:

- a) Siulittaasoq aalajangersimasoq qinerneqartoq malittarisassat § 7-imiittut aamma § 21-miittut naapertorlugit.
- b) Kommunit ilaasortaasut borgmesterii.
- c) Kommuninit ilaasortaasunit kommunalbestyrelsinut ilaasortat 5, ataatsimeeqatigiinnermi § 3-mi taaneqartumi qinerneqartut.

Imm. 2.

Siulersuisunut ilaasortanik qinersinermi d'Hondts metode atorineqassaaq, imm. 1 nr. c naapertorlugu. D'Hondts metode atorlugu naatsorsuisoqartillugu siulittaasoq borgmesterillu ilanngunneqassanngillat.

Imm. 3.

Imm. 1, nr. c, naapertorlugu siulersuisunut ilaasortanngortitsinermut tunngatillugu qinerseqatigiinik nalunaaruteqartoqarsinnaavoq.

Imm. 4.

Nunaqarfimmiut peqatigiiffiat KANUNUPE siulersuisuni ataatsimeeqataasartussamik toqqaassaaq. Ataatsimeeqataasartussaq taanna siulersuisut ataatsimiinnerini oqaaseqarsinnaatitaavoq.

Imm. 5.

Piffissap siulersuisut qinigaaffiata ingerlanerani kommunimik nutaamik kattuffimmut ilaasortanngortoqarpat kommunimi tassani borgmesteri aamma kommunalbestyrelsimut ilaasortaq ataaseq siulersuisunut ilaasortanngussapput piffissap qinigaaffiusup naanissaata tungaanut, § 6 imm. 1 naapertorlugu, imaluunniit § 3 naapertorlugu immikkut ittumik ataatsimiittoqartillugu. Tamatuma peqatigisaanik siulersuisunut ilaasortamut kingulliullugu taaneqartumut sinniisussamik qinersisoqassaaq. Siulersuisunut ilaasortamik taassuminnga sinniisussaanillu qinersineq kommunalbestyrelsimi pineqartumi pissaaq d'Hondts metode tunngavigalugu.

§ 6.

Piffissaq qinersivik naatsorsorneqassaaq ullormit kommunini ilaasortani qinersisinnaasut siulittaasumik siulersuisunullu ilaasortanik qinersinerannit, qinigaaffillu naassaaq siulittaasussamik siulersuisunullu ilaasortanik § 3 malillugu qinersisoqarpat.

Imm. 2.

Siulersuisut namminneq inissitsitissapput siulittaasup tullianik siullermik aamma siulittaasup tulliaata aappaanik qinersinikkut ukiumi kommunalbestyrelsinut qinersiviusumi qinersinerup kingorna siulersuisut ataatsimeeqqaarneranni.

Imm. 3.

Siulersuisut namminneq suleriaasissaminnik aalajangersaassapput.

Siulersuisut siulittaasussaannik qinersineq

§ 7.

Siulittaasoq ataatsimeeqatigiinnermi § 3-mi taaneqartumi qinerneqassaaq. Siulittaasoq qinerneqassaaq nalinginnaasumik amerlanerussuteqarnikkut. Taasinerit naligiippata qinersineq makitsinikkut aalajangiivigineqassaaq.

Imm. 2.

Siulittaasussamik qinersinissamut kommunalbestyrelsimut ilaasortamik inassuteqaateqartoqarsinnaavoq. Siulittaasussamik qinersinissamut qinigassanngortittussanik ataatsimiinnermi aqutsisumut inassuteqartoqarsinnaavoq qinersilivinnissap tungaanut.

Imm. 3.

Siulittaasoq Inatsisartunut, Naalakkersuisunut Folketingimulluunniit ilaasortaasinnaannngilaq. Piffissap qinigaaffiup iluani siulittaasoq Inatsisartunut, Naalakkersuisunut imaluunniit Folketingimut ilaasortanngorpat § 10, imm. 1-imi aalajangersakkat tunngavigineqassapput.

Siulersuisunut ilaasortat

§ 8.

Siulersuisunut ilaasortat qinerneqassapput ataatsimeeqatigiinnermi § 5-mi, imm. 1, nr. c, taaneqartumi. D'Hondts metode tunngavigalugu qinersisoqassaaq partiit ataasiakkaat kommunini ilaasortasuni kommunalbestyrelsinut qinersinermi inernerit tunngavigalugit ilaasortaataqassusiat naapertorlugu.

Imm. 2.

Siulersuisunut ilaasortat, takuuk § 5 imm. 1, nr. b aamma c, Inatsisartunut, Naalakkersuisunut Folketingimulluunniit ilaasortaasinnaannngillat. Siulersuisunut ilaasortaq piffissami qinigaaffiusumi Inatsisartunut, Naalakkersuisunut imaluunniit Folketingimut qinigaappat § 10 imm. 3-mi aalajangersakkat tunngavigineqassapput.

Imm. 3.

Siulersuisunut ilaasortat kommunit ilaasortaasut ilaanni kommunalbestyrelsinut ilaasortaassapput.

Siulittaasumut siulersuisunullu ilaasortanut allanut sinniisussat

§ 9.

§ 7 imm. 1-imi taaneqartutut siulittaasussamik qinersinermut atatillugu aammattaaq siulittaasup qinigaasup siulersuisunut ilaasortatut inuttut sinniisussaanic qinersisoqassaaq. Aamma siulersuisunut ilaasortat § 8 naapertorlugu qinigaasut inuttut sinniisussaannik qinersisoqassaaq.

Sinniisussanic qinersineq periaaseq § 5-mi aamma §§ 7-8-mi taaneqartoq malillugu pissaaq.

Imm. 2.

Inuttut sinniisussat kommunit ilaasortaasut ilaanni kommunalbestyrelsinut ilaasortaassapput.

Imm. 3.

Kommunimi ilaasortaasumi borgmesterip tullia siulleq borgmesterimut inuttut sinniisussaassaaq, siulersuisunut ilaasortannhorsimannngikkuni. Taamaattoqartillugu borgmesterip inuttut sinniisussaanik qinersisoqassaaq imm. 1 naapertorlugu.

Imm. 4.

Siulittaasumut sinniisussaq imaluunniit siulersuisunut ilaasortanut sinniisussat, § 5 imm. 1, nr. a aamma c naapertorlugit, borgmesteriusinnaannngillat imaluunniit Inatsisartunut, Naalakkersuisunut Folketingimulluunniit ilaasortaasinnaanatik.

Sinniisussaq piffissami qinersiviusumi Inatsisartunut, Naalakkersuisunut imaluunniit Folketingimut ilaasortannorpat § 10 imm. 3-mi aalajangersagaq malillugu iliortoqassaaq.

Ataavartumik imaluunniit utaqqiisaasumik siulersuisuni ilaasortanik taarsiinnermi, kommunalbestyrelsimut ilaasortaajunnaarnermi, sivisunerusumik pisinnaannginnermi il.il.

§ 10.

Siulittaasooq qaammatit marluk sinnerlugit pisinnaanngippat siulittaasup tullia siulleeq siulittaasumut taartaassaaq, piffissami pisinnaanngiffiusumi. Nalilerneqarpat pisinnaannginneq ataavartuussasooq siulersuisunut siulittaasussamik nutaamik qinersisoqassaaq, siulersuisut piumasaaqateqarnerisigut § 7-imi aalajangersakkat tunngavigalugit.

Imm. 2.

Siulersuisut 2/3-ii isumaqarpata siulittaasooq KANUKOKA-p siunertaanut ilaasortallu soqtigisaanut ilumuunngitsuliorsimasooq, siulersuisut taamatut amerlanerussuteqarlutik ataatsimeeqatigiinnermut § 3-mi taaneqartumut inassutigisinnaavaat siulittaasooq soraarsinneqassasooq. Taasisinnaatitaasut § 3-mi taaneqartut aalajangerpata siulittaasooq soraarsinneqassasooq, taasisinnaatitaasut taakku piffissap qinigaaffiusup sinneranut siulittaasussamik nutaamik qinersissapput.

Imm. 3.

Siulersuisunut ilaasorta, takuuk § 5 imm. 1, nr. b aamma c, piffissami qinigaaffimmi kommunalbestyrelsimut ilaasortaajunnaarpat, pineqartoq siulersuisunut ilaasortaajunnaassaaq, inuttullu sinniisussaminik taarserneqassalluni. Sinniisussaq pineqartoq tamatuma kingorna siulersuisunut ilaasortaalersooq nammeneq inuttut siulersuisunut sinniisussaminik toqqaassaaq, tamannalu siulersuisunut nalunaarutigalugu. Sinniisussaq taanna kommunimi ilaasortaasumi kommunalbestyrelsimut ilaasortaassaaq, aammalu Inatsisartunut, Naalakkersuisunut imaluunniit Folketingimut ilaasortaasinnaanani.

Imm. 4.

Siulersuisunut ilaasorta, kommunit aqunneqarnerat pillugu inatsimmi aalajangersakkat tunngavigalugit kommunimi angerlarsimaffigisamini kommunalbestyrelsimut ilaasortatut sulinngiffeqarallalersimappat naatsorsuutigineqartumik minnerpaamik qaammatinik marlunnik sivisussuseqartussamik, taava taassuma inuttut sinniisussaa siulersuisunut ilaasortannorallassaaq, piffissami ilaasortaajunnaarfisaani.

Siulersuisut oqartussaaffii

§ 11.

Siulersuisut kattuffiup siulersorneqarneranik isumaginnittuussapput ataatsimiinnermilu § 3-mi taaneqartumi suliaasanik piareersaasassallutik.

Siulersuisut kattuffiup ingerlanneqarnerani aamma pissutsini KANUKOKA-p inatsisitigoortumik oqartussaaffilerneqarfigisimasaani KANUKOKA sinnerlugu iliuuseqartassapput, taamaattoqartil-lugulu pituttuiffiusumik kommunit sinnerlugit aalajangiinissanut pisinnaatitaallutik. Tamatumani ilaatigut pineqarput oqartussaasunik, peqatigiiffinnik, kattuffinnik il.il. isumaqatigiissuteqarnerit kiisalu oqartussaasunut il.il. oqaaseqaateqarnerit tusarniaanernullu akissuteqarnerit.

Oqartussaasunik il.il. taama ittunik pituttuiffiusunik isumaqatigiissuteqartoqartinnagu siulersuisut aalajangersimasumik isumaqatigiissuteqarnissamut kommunit ilaasortaasut aningaasaqarnermut ataatsimiititaliaannit oqaaseqaammik piniarlutik sapinngisaminnik iliuuseqartassapput.

Imm. 2.

Pissutsit imm. 1-imi taaneqartut saniatigut siulersuisut oqartussaasunik allanik, peqatigiiffinnik, kat-tuffinnik il.il. isumaqatigiissuteqarsinnaanngillat kommuninut pituttuisunik, imaluunniit allatigut aalajangiisinaanatit kommunit ingerlanneqarnerannut pituttuisunik, kisianni takuuk imm. 3.

Siulersuisulli aalajangersinnaapput kommuninut ilaasortaasunut kaammattuuteqarniarlutik suliassa-ni kommunit ingerlanneqarnerannut tunngassuteqartuni, tamatumani qulakkeerniarlugu suliassani aalajangersimasuni kommunit aalajangiinissaminnut assigiaa-nik tunngavissaqarnissaat.

Imm. 3.

Kommunini ilaasortaasuni aningaasaqarnermut ataatsimiititaliat siulersuisunut pisinnaatitsisinnaap-put pissutsini KANUKOKA-p inatsisitigoortumik oqartussaaffilerneqarfigisimanngisaani sinnerlu-tik iliuuseqarnissaannut, imm. 1 naapertorlugu. Tamatumani ilaatigut pineqarsinnaapput isumaqa-tigiissuteqarnerit imaluunniit oqaaseqaateqarnerit tusarniaanernullu akissuteqarnerit.

Imm. 4.

Kattuffimmi pissutsinut sulineranullu tunngassuteqartuni pisariaqartutitigut siulersuisut aalajangiisin-naapput.

Imm. 5.

Kattuffiup siulersuisui pisinnaatitaapput peqatigiiffinnut, kattuffinnut il.il. kommunini suliassanik immikkut ittunik aaqqiiviginninniarluni pilersinneqarsimasunut suleqateqarnissamik aalajangersaa-nissamut, soorlutaaq siulersuisut pisortanut allanut attavilersinnaasut il.il., ilaasortanut iluaqutaa-sussatut nalilerneqartunut.

Imm. 6.

Siulersuisut aamma Pituffimmi Innuttaasut Siunnersuisoqatigiivi (Borgerrådet) suleqatigiinnissaq pillugu isumaqatigiissuteqarsinnaapput, tamatumani aningaasaqarnikkut kingunerisassai ilanngul-lugit.

Imm. 7.

Siulersuisut kattuffimmut sinniisuupput. Siulersuisut siulittaasoq, siulersuisunut ilaasortat ataasiak-kaat imaluunniit suleqatigiiffimmi atorfillit ulluinnarni allaffissornikkut ingerlatsinermi suleqatigiif-fimmut sinniisuunissamut pisinnaatitaaffilersinnaavaat.

Pisiner-mi, tunisiner-mi imaluunniit illuutinik qularnaveeqquteqarnermi kiisalu aningaasanik attartor-nermi siulersuisut tamarmiusut kisimik sinniisutut atsiorsinnaatitaapput.

*Siulersuisut aalajangiisinnaassusiat, ataatsimiinnerit qaqugukkut sumilu
ingerlanneqartarnissaat, aalajangikkanut imaqarniliaq il.il.*

§ 12.

Siulersuisuni ilaasortat tamarmik oqalussinnaatitaapput, siunnersuuteqarsinnaatitaapput taaseqataa-sinnaatitaallutillu.

Siulersuisut aalajangiisinnaassuseqartarput ikinnerpaamik ilaasortat affaat ataatsimiiffimmi najuup-pata imaluunniit telefonikkut videokonferencekkulluunniit peqataappata.

Imm. 2.

Siulersuisut aalajangeneri, § 11, imm. 1-6 pineqartunik isumaqatigiissuteqarnissat sioqqullugit sa-pinngisamik paaseqatigiiffiusumik isumaqatigiilluni pisassapput. Qaqtigoortumilli tamatuma ajor-narfiatigut immikkut ittumik aalajangiinerit taamaattut amerlanerussuteqarnikkut pisassapput.

Imm. 3.

Siulersuisut aalajangiineri aalajangiinernik imaqarniliamut allanneqartassapput. Aalajangiinernik imaqarniliat il.il. suliarineqartarnerannut tunngatillugu suleriaasissaq erseqqinnerusoq siulersuisut suleriaasissaannik aalajangersakkani aalajangersarneqassaaq.

Imm. 4.

Siulersuisunut ilaasorta q kinaluunniit § 11, imm. 1-6, naapertorlugu aalajangiinernut tunngatillugu allaasumik isumaqarnini imaqarniliamut allanneqaqqullugu piumasaqarsinnaavoq, suliasanilu oqartussaasunut allanut ingerlateqqitassani piumasaqarsinnaalluni tamatuma peqatigisaanik oqar-tussaasut taakku imaqarniliami allassimasumik ilisimatinneqassasut. Siulersuisunut ilaasorta q pineqartoq suliasap ingerlateqqinneqarnerani isummernerminut tunngavilersuummik tassunga ilanngussissaaq.

Imm. 5.

Siulersuisut ukiumi pineqartumi ataatsimiinnerminni kingullermi aalajangersassavaat qaammati-siutit ukiuanni tulliuttumi qaqugukkut sumilu ataatsimiittassanerlutik.

Imm. 6.

Siulersuisut siulittaasup kissaateqarneratigut imaluunniit siulersuisunut ilaasortat ikinnerpaamik pingasut kissaateqarnerisigut siulersuisut katersuuttassapput.

Imm. 7.

Siulersuisut ataatsimiinneri ataatsimiinnernillu imaqarniliat tamanut ammasuunngillat.

Imm. 8.

Suliani immikkut kommunimut ilaasortaasumut soqutiginaateqartuni, kommunimit pineqartumit sinniisut siulersuisunut ataatsimeeqataaqqullugit aggersarneqarsinnaapput.

Imm. 9.

Siulersuisut ataatsimiinnissaat sioqqullugit ullormut oqaluuserisassat ataatsimiinnermilu atortussat kommunalbestyrelsini ilaasortanut tamanut nassiunneqartassapput taakkua ataatsimiinnerni sulias-sanik sunik sammisaqartoqarnera ilisimaniassammassuk. Ataatsimiinneq minnerpaamik sapaatip-akunneranik ataatsimik sioqqullugu atortussat nassiunneqassapput.

Aalajangiiffigisanik imaqarniliaq siulersuisut ataatsimeereereri tamaasa kommunalbestyrelsinit ilaasortanut tamanut nassiunneqartassaaq.

Siulittaasup pisinnaatitaaffii

§ 13.

Siulittaasup sulinissani nammineerluni aaqqissuuttassavaa.

Imm. 2.

Siulersuisut erseqqinnerusumik killiliussaasa iluanni kattuffiup susassaqaarfiisa ulluinnarni aqunneqarnissaat siulittaasup isumagisassaraa kattuffiup allaffissornikkut pisortaa suleqatigalugu. Siulittaasup siulersuisut ataatsimiinneri aquttassavai, aammalu siulersuisuni aalajangiunneqartut suliarineqartittassallugit.

Ataatsimiititaliat suleqatigiissitallu

§ 14.

Siulersuisut qaqugukkulluunniit ataatsimiititalianik immikkut suliaqartussanik pilersitsisinnaapput, siulersuisut sinnerlugit misissuisussanik, inassuteqaatinik suliaqartussanik kiisalu ingerlaavartumik utaqqiisaasumilluunniit siulersuisut suliaqaarfiisa iluanni suliaasanik isumaginnittussanik.

Ataatsimiititaliat suleqatigiissitallu sulinissaanni maleruagassat atortinneqartussat siulersuisunit aalajangersarneqartassapput.

Ulluinnarni aqutsinermut ataatsimiititaliaq

§ 15.

Kommunik nutaanik kattuffimmut ilaasortanngortoqassappat ulluinnarni aqutsinermut ataatsimiititaliamik kattuffiup ataavartumik ingerlanneqarneranut isumaginnittussamik pilersitsisoqassaaq. Siulersuisut siulittaasuat ulluinnarni aqutsinermut ataatsimiititaliamut taamaattumut aalajangersimamsumik ilaasortaassaaq. Siulersuisut aalajangissavaat siulersuisunut ilaasortat allat kikkut ataatsimiititaliamut tassunga ilaasortaassanersut, ataatsimiititaliarlu sunik oqartussaaffeqassanersoq.

Imm. 2.

Siulersuisut imm. 1 naapertorlugu aalajangertinnatik kommunini ilaasortaasuni aningaasaqarnermut ataatsimiititaliat qinnuigeqqaassavaat kikkut ataatsimiititaliami ilaasortaataqassanerannik ataatsimiititaliallu sunik oqartussaaffeqassanerannik siulersuisut siunnersuutaat oqaaseqarfigeqqullugu.

Imm. 3.

Ulluinnarni aqutsinermut ataatsimiititaliap suleriaasissaa siulersuisut aalajangersassavaat. Suleriaasissamut aalajangersakkanut siunnersuutit aalajangiiffigineqartinnagit oqaaseqarfigisassatut aningaasaqarnermut ataatsimiititalianut saqqummiunneqaqqaassapput.

Allattoqarnikkut ikiortissaqarneq

§ 16.

Allattoqarnikkut pisariaqartutigut sullinneqarnissaq eqqarsaatigalugu siulersuisut aalajangiisassapput, tamatuma ataani kattuffiup allattoqarfiani pisortaq pisinnaaffilerlugu allattoqarnikkut taamatut ikiortissanik atorfinitsitsinissaanut soraarsitsinissaanullu.

Imm. 2.

Kattuffimmi allattoqarnikkut sullissisuusut kattuffiup siulersuisuini ilaasortaasinnaangillat.

Aningaasarsiat il.il.

§ 17.

Siulittaasutut qinigaaneq piffissaq tamaat atorfittut isigineqanngilaq. Siulittaasup akissarsiassai siulersuisunit aalajangersarneqartassapput, akissarsiali taakku borgmesterit akissarsiaasa affaanit qaffasinnerusinnaangillat.

Imm. 2.

Siulersuisuni ilaasortat sinneri siulersuisut ataatsimiinnerini ataatsimiinnernilu allani siulersuisuni ilaasortatut peqataanerminnut, ulluni angalaffiusuni ataatsimiiffiusunilu, angerlarsimaffigisap avataani ingerlanneqartuni ullormusiaqartinneqassapput, malittarisassat pisortani atorfilinnut atortut naapertorlugit.

Tamatuma saniatigut - uppernarsaasiinikkut - ullunut akissarsiassanik annaasaqarfiusunut ilassutitut matussusiisoqarsinnaavoq ulluni angalaffiusuni ataatsimiiffiusunilu. Tamannali atuutissanngilaq siulersuisunut ilaasortanut borgmesteriusunut.

Imm. 3.

Ataatsimiinnernut imm. 2-mi taaneqartunut peqataanernut aningaasartuutit, tamatumani aamma angalanernut, nerisaqarnermut aamma ineqarnermut il.il. KANUKOKA-mit aningaasartuutigineqassapput.

Ilaasortaanermut akiliut il.il.

§ 18.

Kattuffiup aningaasartuutaanut matussutissatut kommunit ilaasortaasut tamarmik ilaasortaanermut akiliuteqassapput, qaammatisiutit ukiuannut tulliuuttumut aalajangersarneqartartussamik. Ilaasortaanermut akiliut innuttaasumut ataatsimut akiliutitut angissusilerneqartassaaq.

Imm. 2.

Siulersuisut aalajangersartassavaat qaqugukkut ukiumi tulliuuttumi ilaasortaanermut akiliummik akiliisoqartassanersoq.

Imm. 3.

Politikkikkut suliniutaanngitsunut imaluunniit kiffartuussinerunngitsunut kattuffik akiliisitsiniarsinnaavoq, akit siulersuisut ukiumoortumik missingersuutit akuersissutigineqarnerannut atatillugu aalajangigaat tunngavigalugit, imaluunniit suliniummi pineqartumi immikkut aningaasartuutinik naatsorsuinerit tunngavigalugit, imaluunniit immikkut suliasatut piniarneqarsimasumut isumaqatigiissummut tunngatillugu angissusilerneqartunik.

Ukiumoortumik missingersuutit, naatsorsuutit kukkunersiuinerlu

§ 19.

Siulersuisut ukiumoortumik missingersuusiamik, qaammatisiutit ukiuannut atuuttumik, aalajangersaasassapput. Missingersuusiaq ilaqartinneqassaaq ukiunut arlalinnut, ikinnerpaamik ukiunut pingasunut, missingersuutaagallartumik.

Imm. 2.

Kommune ilaasortaasoq kattuffimmut ilaasortaajunnaarniarluni nalunaaruteqarsimappat, § 2, imm. 2 naapertorlugu, siulersuisunut ilaasortat kommunimut pineqartumut sinniisuusut aalajangiinernut missingersuusianut ilaasortaajunnaarnissap kingorna piffissamut tunngassuteqartunut peqataasinnaassanngillat.

Imm. 3.

KANUKOKA-p ukioq naatsorsuiffia tassa qaammatisiutit ukiuat. Kattuffiup aningaasaataanut tunngasut taakkualu naatsorsuusiortarnerisa isumagineqarnissaat tunngaviusumik siulersuisut isumagisaraat.

Imm. 4.

Kommunini ilaasortaasuni aningaasaqarnermut ataatsimiititaliat ukiumoortumik missingersuutit naatsorsuutillu akuersissutigissavaat ukiumoortumik ataatsimeeqatigiinnermi § 3-mi taaneqartumi. Naatsorsuutit kukkunersiorneqartassapput kukkunersiuisunit naalagaaffiup akuerisaanit kommunini ilaasortaasuni aningaasaqarnermut ataatsimiititaliat toqqagaannit. Kukkunersiuisumik qinersineq ataatsimiinnermi § 3-mi taaneqartumi pissaaq.

Malittarisassanut allannguutit kattuffiullu atorunnaarsitaanera

§ 20.

Siulersuisut imaluunniit kommunit ilaasortaasut ikinnerpaamik marluk siunnersuutigisinnaavaat malittarisassat allangortinneqassasut imaluunniit kattuffik atorunnaarsinneqassasoq.

Imm. 2.

Malittarisassanik allannguneq taamaallaat pisinnaavoq kommunini ilaasortaasuni aningaasaqarnermut ataatsiimitalianut ilaasortat taasisinnaatitaasut ikinnerpaamik 2/3-iisa isumaqataallutik aalajangiinerisigut, ataatsimeeqatigiinnermi § 3-mi taaneqartumi.

Imm. 3.

Katuffimmik atorunnaarsitsineq kommunini ilaasortaasuni aningaasaqarnermut ataatsiimitalianut ilaasortat taasisinnaatitaasut imm. 2-mi amerlanerussuteqartut amerlaqataannik amerlanerussuteqarnerisigut pissaaq ataatsimiinnermi § 3-mi taaneqartumi.

Imm. 4.

Kattuffik atorunnaarsinniarlugu aalajangertoqarpat siulersuisut aalajangissavaat kattuffiup pigisai qanoq atorneqassanersut. Kommunit ilaasortaasut suli kattuffiup amigartoorutaanut akisussaajuasapput, tamatumani aamma soraarnerussutisiassanut pisussaaffinnut.

Piffissanut ikaarsaariarfinnut aalajangersakkat

§ 21.

Siulersuisut 2013-imi juunimi aallartitat ataatsimiinneranni qinerneqartut atuukkunnaassapput 17. januaari 2016. 2017-imi kommunalbestyrelsinut qinersinissap tungaanut piffissami ikaarsaarfiusumi aaqqissuussinertut 17. januaari 2016 aallartitat ataatsimiinnerminni siulersuisunik nutaanik qinersissapput.

Siulersuisut nutaat taakku tassaassapput siulittaasoq aalajangersimasoq qinerneqartoq malittarisassat §§ 5-7-miittut naapertorlugit, kommunit ilaasortaasut borgmesterii kiisalu siulersuisunut ilaasortat 5, § 5 aamma 8-mi taaneqartutut qinigaasut.

Imm. 2.

Periaaseq imm. 1-imi taaneqartoq malillugu taamatuttaaq siulittaasumut siulersuisunut ilaasortatut sinniisussamik siulersuisunullu ilaasortanut borgmesteriunngitsunut inuttut sinniisussanik qinersisoqassaaq.

Imm. 3.

Siulersuisut nutaat imm. 1-imi taaneqartut inissitsiterlutik ataatsimiissapput 17. januaari 2016-ip kingorna piaarnerpaamik, tassani siulittaasup tullianik siullermik aappaanillu qinersillutik, aammalu ukiup sinneranut ataatsimiinnissat qaqugu sumilu pinissaat aalajangersarlugit.

Imm. 4.

Malittarisassani ukunani aalajangersakkat taamatuttaaq siulersuisunut 17. januaari 2016 qinigaasunut atuutissapput, § 3 malillugu siulersuisunik nutaanik qinersisoqarnissaata tungaanut.

Atuutilersitsineq

§ 22.

Malittarisassat uku akuersissutigineqarput kattuffimmut aallartitat immikkut ittumik ataatsimiinneranni ulloq 17. januaari 2016, tamatumalu kingorna atortuulissallutik ulloq 17. januaari 2016 aallarnerfigalugu.

Imm. 2.

Malittarisassat atortuussapput § 20 naapertorlugu allanngortinneqarsinnaanerisa tungaannut, taamaattoq piffissamut ikaarsaariarnermut aalajangersakkat § 21-miittut taamaallaat § 3 naapertorlugu siulersuisussanik nutaanik qinersinissap tungaanut.

Aallartitat immikkut ittumik ataatsimiinneranni 17. januaari 2016 Ilulissani pisumi aalajangiinerit tunngavigalugit kingornatigullu pisariaqartutigut iluarsisassat ilanngullugit suliarineqartut, ulloq 19. februaari 2016 siulersuisut ataatsimiinneranni akuerineqartut.